

LE III


BIBLIOTECA NAZ.  
Vittorio Emanuele III

XV

B

67

NAPOLI





XIII. 9. 74.

XV.

B.

67.


~~VI~~  
~~18~~  
~~52~~

(( ——— 1111. n. 32. ))

*S. Cath. apud Jurem de  
Neapol: 1741*

STATUTA  
FACULTATIS ARTIUM  
THOMISTICÆ,  
IN COLLEGIO PARISIENSI  
FF. PRÆDICATORUM  
INSTITVTÆ,









# STATUTA FACULTATIS ARTIUM THOMISTICÆ.

*Charissimis in Christo Fratribus,  
Decano, Magistris, Baccalaureis,  
universisque Membris Thomisticæ  
Facultatis Artium.*

FRATER NATALIS ALEXANDRE  
in Sacra Facultate Parisiensi Doctor &  
Professor, in Majori Conventu & Collegio  
FF. Prædicatorum Studii Regens, &  
eiusdem Facultatis Conservator.

*Studiorum profectum, pacem, & Legum  
observantiam.*



ERUM vicissitudines  
humanarum, ac ratio  
ipsa, æquitas, pruden-  
tiâque postulant, ut in  
Legibus optimè ac sapientissimè


A

constitutis , propter varium publicæ rei statum , aut emergentia progressu temporis incommoda , mutetur interdum aliquid vel addatur. Id in Artium Facultate Thomistica, in hocce Regio Conventu & Collegio Generali S. Jacobi ad Studiorum fovendam ac promovendam æmulationem à Mājoribus nostris instituta , præstare fuit operæ pretium. Mutato scilicet septem ab hinc annis, Pontificia, Regia, & Ordinis Auctoritate , Domus Regimine , & gravissimis inter ejusdem Facultatis Magistros ortis nuper dissidiis , ex quibus paci & tranquillitati Conventus & Collegii periculum etiam imminere videbatur : Illustrissimus Archiepiscopus Parisiensis FRANCISCUS DE HARLAY, Dux & Par Franciæ , Regionum Ordinum Commendator , Sor-

bonæ Provisor, ferventis Controversiæ Arbitrarius appellatus; pro sua in Religiosas Societates, & in hanc præcipuè Domum charitate, nobiles Celsitudinis suæ curas ac providentiam ad eam componendam demittere dignatus est: pacem dissidentibus imperavit: Author fuit ut cedentibus duobus, qui de Conservatoris Munere contendebant, tertius à Doctoribus ejusdem Facultatis eligeretur: utque Leges & Statuta à R. P. Magistro GENTIANO BILLAUD, bonæ memoriæ, in Sacra Facultate Parisiensi Doctore Theologo, & istius quondam Studii Primario Regente, anno millesimo sexcentesimo vigesimo quinto promulgata, ad similibus dissidiorum præcidendas radices, à gravioribus hujus Conventus Patribus deliberatione matura retracta-

rentur, & emendarentur. Has itaque Leges à Sapientissimorum Patrum Consilio, cui aderamus, emendatas, explicatas; & in paucis immutatas, ut suus antiquitati servaretur honos: ab Illustrissimo Archipræsule, cujus amorem ac beneficentiam in hocce Collegium, ipsamque Facultatem Artium Thomisticam, perennibus consignatam monumentis volumus, approbatas, in ejusdem Facultatis Regesto describi jubemus, Typis, quamprimum fieri poterit, mandari, statim diebus publicè legi, atque ab omnibus Magistris, Baccalaureis, Candidatis, accuratè & religiosè observari. Sit primus hic Provisionis nostræ fructus, qui Conservatoris Munus summa omnium Magistrorum, antea dissidentium, consensione, concordibusque suffragiis Nobis

delatum , Illustrissimo Archiepiscopo electionem ipsam approbante & laudante , non alio consilio suscepimus , quàm ut eandem Facultatem Artium Thomisticam, refecatis ac emendatis , si quæ obrepserant , corruptelis , optimis Legibus moderaremur , Studiorum profectui ac æmulationi consuleremus , pacem foveremus & charitatem; dignos tandem Artium Magistros creari curaremus, sacris Studiis , majoribúsq; Gradibus præparandos.



## CAPUT I.

### DE LEGVM PROMVL- gatione & Observantia.

**S**ACRÆ Facultatis Parisien-  
sis consuetudines , morés-  
que , quantum fieri poterit , in

Thomistica Facultate nostra  
serventur, his exceptis, quæ  
hisce Statutis sancita sunt.

Leges annis singulis bis le-  
gantur in Scholastico Magistro-  
rum, Baccalaureorum, & Candi-  
datorum Cœtu, in secunda scili-  
cet Thomistica, & prima Aulica,  
ne in illas ignorantia peccetur.  
Harum Præco Syndicus erit.

Legum contemptus vel ne-  
gligentia, privatione Officiorum,  
Graduum, ordinis in argumen-  
tando vel respondendo, quin  
etiam ejectione ex Alma Facul-  
tate, pro gravitate delicti, non  
multis pecuniariis, coërceantur.



## CAPUT II.

### DE CONSERVATORE.

**T**HOMISTICAM Facul-  
tatem uni Conservatori

parere, ab eoque regi volumus, qui ex RR. Patrum Conventûs hujusce Filiorum ac Moderatorum Ordine à Magistris eligatur.

Si quæ tamen graviora negotia seu dissidia emerferint, quæ Conservatoris auctoritate finire aut componi non valeant, ad Consilium Patrum deferantur, cujus in judicio contentendentes acquiescant.

Ad Conservatoris electionem Fratres omnes Theologi Magisterii gradum in Alma Facultate consequuti, Parisiisque præsentibus convocentur: si varias in partes distracti fuerint, obtineat sententia plurimorum.

Optamus ut in hac, cæterisque electionibus, pars quæ suffragiis inferior erit, ad frequentiore, studio pacis & honestatis accedat, ut concordissimis

suffragiis electiones celebrentur.


Conservatoris electio in solemni Magistrorum ac Baccalaureorum Conventu publice-  
tur. Primum honoratioremque locum post Præsidem in Actibus Academicis habeat.

Vacante Magistratu, Almæ Facultatis Doctores infra dies octo Conservatorem eligant: alioqui jus eligendi ad Quindécimvirum Consilium devolutum esto; sine quorum etiam assensu nusquam amoveri possit.

Acta Consiliæque Magistrorum ejus Auctoritate confirmantur.

Si Fratres Theologos Facultatis ejusdem Moderatores deficere contingat, Baccalaureorum directio ad ipsum spectabit, donec Stadio Philosophico confecto Magistros inter adscripti, ipsam per se moderari valeant.





## CAPUT III.

## DE DECANO.

**D**OCTORUM antiquior Decanus esto, cui omnia Facultatis membra subsint, & in his quæ ejusdem Regimen, ac Statutorum observantiam spectant, parere teneantur.

In Actibus Academicis, Paranympho excepto, primum Doctores inter honoris locum obtineat.

Cæterorum diriget Officiorum Administros, negligenter illa gerentes suspendere poterit, & ex Consilii Decreto penitus exauctorare.



## CAPUT IV.

*DE CANCELLARIO.*

**C**ANCELLARIUS eligatur à Magistris, qui dicendi vi & eloquentia conciliare possit honorem Facultati, cùm publicis Orationibus celebrabit Laureandos, & ipsorum altricem Philosophiam. In Paranympo alterum à Conservatore, aliàs à Decano secundum locum obtineat.

Laurearum distributioni, & Consilio ea de re convocando præsit, cum prærogativa suffragii. Paranympum confirmet, à Conservatore confirmandus ipse.

Honorarium à Novis Doctoribus solvendum recipiet, fideliterque

terque servabit; Decano, cœterisque Magistris rationem redditurus. Pecuniæ porro de consilio Conservatoris in Religiosos usus impendentur.

Literas Magisterii Artium in Thomistica Facultate testes, secundum formam præscriptam dabit Cancellarius, subscriptione sua, ac Syndici, ejusdemque Facultatis Sigillo, cujus Custos erit, munitas: Quibus, ad majorem auctoritatem, & ne abusus obrepant aliqui, subscribet etiam Conservator: Alioqui nulla ipsarum ratio habeatur, nec Artium Magistri censeantur, qui Lauream contra Leges obtinuerint.





## CAPUT IV.

*DE CANCELLARIO.*

**C**ANCELLARIUS eligatur à Magistris, qui dicendi vi & eloquentia conciliare possit honorem Facultati, cum publicis Orationibus celebrabit Laureandos, & ipsorum altricem Philosophiam. In Paranymphe alterum à Conservatore, aliàs à Decano secundum locum obtineat.


Laurearum distributioni, & Consilio ea de re convocando præsit, cum prærogativa suffragii. Paranymphe confirmet, à Conservatore confirmandus ipse.

Honorarium à Novis Doctoribus solvendum recipiet, fideliterque

terque servabit; Decano, cœterisque Magistris rationem redditurus. Pecuniæ porro de consilio Conservatoris in Religiosos usus impendentur.

Literas Magisterii Artium in Thomistica Facultate testes, secundum formam præscriptam dabit Cancellarius, subscriptione sua, ac Syndici, ejusdemque Facultatis Sigillo, cujus Custos erit, munitas: Quibus, ad majorem auctoritatem, & ne abusus obrepant aliqui, subscribet etiam Conservator: Alioqui nulla ipsarum ratio habeatur, nec Artium Magistri censeantur, qui Lauream contra Leges obtinuerint.






## CAPUT V.

## DE SYNDICO.

**A**D Syndici Officium à Con-  
filio eligatur unus è doctio-  
ribus Facultatis Thomisticae Ma-  
gistris.

Mūnus ejus erit, Baccalaureos  
dirigere, corripere ; in Concer-  
tationibus Academicis, cū opus  
fuerit, ad argumenta responde-  
re, Arguentes & Respondentes,  
sicubi labuntur, impingunt, vel  
hæsitant, emendare ; curare ut  
Actibus frequentes adsint, ab-  
sentes absque venia Præsidis,  
Decani, & ipsius Syndici, priva-  
tione vini mulctare, de licentia  
& mandato Conservatoris ; re-  
bellium nomina ad Decanum,

Consiliúmque Magistrorum deferre, ut Legibus in ipsos agatur: in fine demum Licentiæ merita singulorum Consilio exponere, ut eorum ratio in Laurearum distributione habeatur.



## CAPUT VI.

### DE REGENTIBVS.

**T**RES Regentes eligantur, ad quos ultimus Doctorum in Alma Facultate præsentium quartus accedet. Baccalaureorum Theses legent, emendabunt, subscriptione sua probabunt. Hanc approbationem atque subscriptionem pro arbitrio negare, nefas ipsis esto; nisi Relatione ad Consilium factâ, Magistri ita sanxerint.

In Actibus Academicis, uno loquente, cæteri taceant. Doctor antiquior junioris responsioni aliquid addere poterit, servatis, legibus urbanitatis, modestiæ, charitatis. Regentes, Doctoresque cæteri, ordine suo, Baccalaureorum persequi poterunt argumenta.



## CAPUT VII.

### *DE MAGISTRIS.*

**M**AGISTRI mutuo se honore prosequantur ac præveniant. Qui alterum in Concertationibus Academicis, aut Comitibus Facultatis, injuriâ affecerit, vel petulanter irriserit, hunc prima vice suffragii tum activi cum passivi jure privatum



dicimus; iterum lapsum, ex albo  
Doctorum expungendum.

Bis ejusdem nominis Actui in  
eadem Licentia, si fieri potest,  
nemo præsit, nec diversis Actibus  
continenter. Omnes præsidere te-  
neantur. Qui recusaverint, suffra-  
gandi jure ad mensem plectuntor.

Si Respondentium sit major  
quàm Doctorum numerus, ne-  
mo tamen iterum ejusdem no-  
minis Actui præsit, donec cœte-  
ri præfuerint, ut oneris & ho-  
noris æquo jure quisque sit par-  
ticeps. Disputationem ultra ho-  
ram Præses non protrahat, ut  
duobus saltem Baccalaureis dis-  
putandi locus detur.



## CAPUT VIII.

## DE LAUREANDIS.

**L**AUREA Doctoralis nemini conferatur, nisi completâ Licentiâ, & biennio Cursûs Philosophici, in hocce Collegio, vel altero Universitatis Parisiensis, peracto.

Qui fuerit ad primam cujusque Licentiæ Lauream nominatus, nummum unicâ specie: qui postremus, asses quadraginta quinque: triginta verò unâ pariter specie, in suâ Inauguratione, secundùm laudabilem consuetudinem, Cancellario cœteri persolvant: aliàs jure suffragii non fruantur.

Gradu autem Licentiæ donari

prohibemus, nisi qui omnes & singulos Actus Academicos more solemni perfecerint, & Paranymphe interfuerint.

Cum ipsis Sacerdotibus de nullo prorsus Actu Academico in posterum dispensari possit, seu Consilii, seu Conservatoris auctoritate.

In Actu Vesperiarum ludicra & scurrilia argumenta proponi prohibemus, aut aliqua inter arguendum aut perorandum dici, quæ Religiosorum Hominum gravitatem & modestiam non deceant. Qui in his deliquerint, præsidendi & suffragii ferendi jure ad sex menses priventur.

Conclusiones selectæ ex Morali Philosophia Disputationis à Cancellario & Regentibus in Actu Vesperiarum habendæ sint argumentum.

Eadem solemnitate celebre



prærogativa suffragii : ita ut si æquas in partes divisa sint suffragia, pars illa vincere censeatur, in quam Decanus propendebit.

His in Comitiiis de rebus Facultatis maturè deliberent; & ea, quæ Viros Religiosos Theologosque decet, gravitate. Ordine quisque suo sententiam dicat. Extra ordinem qui loquutus fuerit, nisi à Decano, aut ab eo, qui vice ejus præest, rogatus, vel petitâ prius & obtentâ ab ipso licentiâ, cō in Consilio suffragandi jure hunc privatum declaramus. Consilii convocatio ad unum Decanum pertineat : Ad cujus nutum Doctorum ultimus de loco & tempore Congregationis Magistros admonebit. Schola Philosophorum conveniens erit Comitiiis locus, non Cella Decani, aut cujusvis Ma-

gistri, ne in sacras Constitutiones, & Superiorum Sanctiones peccetur, quibus & mutuus in cellas ingressus vetitus est, & silentium in eisdem imperatum. Hora pro Decani arbitrio designabitur, Regularibus Observantiis, aut Lectionibus & Collationibus publicis non impedita.


Magistri, quorum absentiam à Consilio causa legitima non excusabit, ad mensem suffragio priventur. Eadem poena mulcentur ad annum, qui Baccalaureis, aut aliis quibuscunque, præterquam Conservatori, Consiliorum arcana revelaverint. Omnes Facultatis Magistratus, præter Conservatorem, & Decanum, Conservatoris, non Consilii correctioni, in his quæ Academicam Disciplinam spectant, obnoxium, amovendi, sicut & instituendi, sit penes Consilium auctoritas.

In suis Congregationibus ac Deliberationibus Magistri justitiam & pacem consociare studeant. Pacis perturbatores è Doctorum Cœtu excluduntor.

Consiliorum Acta in Regesto Facultatis accuratè & fideliter scribat Syndicus, absque verborum farragine; & ambagibus, præfationibus, digressionibus, aut jocis, simpliciter exponens capita à Decano in Comitibus proposita & quid circa ipsa, deliberatum sit & conclusum. Liber Consiliorum sit justæ molis. Una serie in eodem Libro scribantur, dum fuerit charta pura. Paginæ singulæ numeralibus notis signentur.

Consiliorum Libri, seu Regesta Thomisticæ Facultatis, cum vetera tum recentia, diligenter à Syndico servantur, qui Consilii vel Conservatoris jussu illa, cum

opus fuerit , exhibeat. Aliorum fidei non credantur. Si in aliqua sui parte violata fuerint , dilacerata , expuncta , vel interpolata , in criminis hujusce Authores & Conscios inquiratur, & probatâ facti veritate; omni Honore & Gradu in Thomistica Facultate priventur. Si sit incertus Author , Syndicus ab Officio amoveatur ob incuriam.



## CAPUT X.

### *DE BACCALAVREIS.*

**T**HOMISTICÆ Facultatis Artium Candidati de Aulica respondeant , cùm primæ Licentiæ Baccalaurei ad Stadii metas pervenerint. Ut omnes responderint, de illorum Actibus  
ad



ad Conciliûm Syndicus referat.

Quorum Aulica fuerit approbata, simul Examini se fistant, die à Decano indicenda de consilio Syndici, ac Regentum, à quibus eorum vires in Logicis tententur. Qui se subtraxerint Examini, ad respondendum de Tentativa non admittantur.

Decano, Syndico, Regentibus, cœterisque Magistris, in iis quæ Academicos Actus spectant, Candidati & Baccalaurei morem gerant.

Aulica ex primis Quæstionibus Logicæ, ex Tractatu de Universalibus, & ex Libris, Περὶ γενεῶν : Tentativa ex Categoriis, & Libris De Priori & Posteriori Analyfi : Minor Ordinaria ex Metaphysicis : Major Ordinaria ex Octo Libris Physicorum : Thomistica, quam & Sorbonicam appellari usus obtinuit, ex

Libris de Cœlo & Mundo, De Generatione & Corruptione, & De Anima, novem Appendices contineant : Actus Vesperiarum sex è Morali Philosophia.

Thomistica & Major Ordinaria quatuor Horis durabunt, à septima scilicet ad nonam, & à prima ad Vesperas. Actus reliqui duabus horis, seu matutinis, à septima scilicet ad nonam; seu pomeridianis, à prima nimirum ad tertiam celebrabuntur.

In Thomistica & Majore Ordinaria, pomeridianis horis, postquam unus aut alter Baccalaureus disputaverit, pro ratione temporis, Candidati leviora proponent argumenta: unôque tenore probationem Propositionis afferent, quam negatum iri verisimile est.

Candidati & Baccalaurei responduri Theses suas Decano,

Syndico, Regentibus, & Præsidi, decima-quinta die ante Respon-  
sionem legendas & approbandas offerant. Eisdem ante dies octo in cappa & cum socio se sistant, Conclusionum suarum probationes allaturi, seu ad Quæstiones sibi ab ipsis proponendas responduri. Qui tardiùs id officii impleverint, ad horam in terra sedentes respondeant, quàm pœnam Præsides ipse condonare non possit. Qui verò illud penitus neglexerit, loco excidat.

Baccalaureorum nemini diem Responsonis à Decano & Syndico sibi præstitutam recusare liceat, modò octo dies ante Actum supersint: alioquin omnium ultimus respondeat.

Ad Actus suos, in cappa & cum socio, pro more, triduo ante invitent Dominum Conservatorem, R. P. Priorem hujus Conventus,

C ij

Sapientissimos Magistros nostros  
 Studii Regentes, Patres à Con-  
 filiis, R.R. P.P. Baccalaureos, Ma-  
 gistros Artium, cæterósque Tho-  
 misticæ Facultatis Magistros, cùm  
 Sacerdotes, tum Novitios.

Prima Thomistica sive Sorbo-  
 nica Feria secunda post Pente-  
 costen, primus Actus Majoris Or-  
 dinariæ Feria tertia celebretur :  
 deinceps Responsiones de utrâ-  
 que Thesi alternis fiant. His in Ac-  
 tibus, Respondens Baccalaureos  
 disputantes Dignitatum suarum  
 nominibus honorificè compellet,  
 dicendo verbi gratia : Argumen-  
 tatur Doctissimus Dominus Bac-  
 calaureus Præsentatus : & dein-  
 ceptus : Sic argumentaris Doctissi-  
 me Præsentate. In sertis viritim  
 offerendis laudabiles Consuetu-  
 dines servantur. Primùm Præsidi,  
 tum Domino Conservatori, de-  
 inde Rectori, majora & exquisi-

tiora ferta honoris ergo porrigantur: æqualia deinde reliquis Magistris, eo quo sedebunt ordine. Non dentur Sacerdotibus qui Magisterii Gradum ac Lauream in hacce Thomistica Facultate consecuti non fuerint. Ab hac Lege exceptos volumus RR. Quatuordecimviros Conventus Moderatores, quos in omnium honorum communionem cum Magistris admittimus. Præsidis primum, tum Conservatoris benevolentia à Baccalaureis disputantibus, aut Oratoribus Academicis concilietur; cæteri Sapientissimorum Magistrorum nostrorum, aut Virorum Academicorum nomine simul salutentur.

Diebus solemnioribus nulli Actus Academici celebrentur. In Concertationibus Academicis, uno loquente, fileant, audiānt-

que cœteri : Præses neminem nisi arguendo vel respondendo loqui permittat. Inter arguendum aut respondendum quicquam vernaculo idiomate exprimi prohibemus, unâque linguam Latinam in Scholis, in Actibus, & Conventibus Academicis volumus usurpari.

Theses triduo ante Responsionem Sodalibus exponant Baccalaurei, ut in promptu semper habeant argumenta, & ordine Scholæ, vel ut fuerint à Præsidente nominati, disputent accuratè, nervosè, nitidè. Qui ordine suo disputare neglexerit, absque venia Præsidis, aut Syndici, loco suo privetur. Disputantes & Respondentes attento animo audiant reliqui. Libros legere, aliud agere, nugari qui ausi fuerint, prima vice in terra sedeant; secundâ loco priventur; tertiâ &

Facultate pellantur. Ab actu nemo absit, vel è Schola exeat, nisi petita & obtenta à Præsidente, vel Decano, & Syndico licentiâ. Initio Actus adsint singuli, sub pœnis ad arbitrium Præsidis, vel Decani, & Syndici, infligendis.

Qui Socios in Exercitationibus Academicis injuriâ affecerint, aut ludibrio habuerint, prima vice in terra sedeant integri Actus tempore, altera locum amittant, tertia ex Baccalaureorum albo expungantur.

Theses merè Theologicas Philosophicis non admisceant, neque Cartesiana, aut à communibus Scholæ Thomisticæ Sententiis aliena Theoremata.

Duo Priores Thomisticis Actibus, seu Sorbonicis, alternis præsent. Secundus de prima Sorbonica, Primus de postrema respondeat. Orationes habeant, quæ

nec prolixitate fatigent Auditores, nec stylo aculeato, contumelioso, illusorio Charitatem lædant. Has verò triduo ante Actum Decano tradant, qui ipsas leget, examinabit, & cum Conservatore communicabit. Qui in hanc legem peccaverit, Officio privetur. In Orationibus Paranymphorum, cum ab Oratore, tum à Baccalaureis lex eadem fervetur, quæ Prioribus posita est. Eadem Rector ipse teneatur. Priores Actibus intersint quibus non præfunt, sicut cæteri Baccalaurei, & in Majoribus Ordinariis ordine suo disputent. Cum præfunt, jus loquendi non habeant, nisi inter arguendum. Sex levioribus, & tribus gravioribus Mediis totidem Propositiones impugnent. Idem in Aulicis à Magistro Studentum fervetur.





## CAPUT XI.

*DE RËCTORE.*

**B**ACCALAUREI die Martis post Festum Ascensionis Dominicæ Rẽctorem communi consilio eligant unum ex Commilitonibus, doctum ac disertum, Philosophum & Oratorem, & qui in quadruplici Studentum Examine ingenii studiorumque laudem, Sapientissimorum Magistrorum nostrorum Prioris & Rẽgentum Judicio, inter Insignes promeritus fuerit & consequutus. Electioni præsint Primus Præsintatus, eo renuente Secundus, & sic de cœteris. Rẽctorem in Schola & Actu solemni primæ Thomisticæ Decanus creabit &

confirmabit. Si quæ circa ejus electionem orta fuerit controversia, à Consilio Magistrorum, salvo jure Appellationis ad Dominum Conservatorem, judicabitur. Ad eisdem Jus electionis devolutum esto, nisi statim facta fuerit. Actus Academicos Thomisticæ & Majoris Ordinariæ consueto perficiat apparatu, Doctorum instar infulatus. Cæterorum Baccalau-  
reorum Actibus, eodem habitu, eademque pompa adsit, & argumentetur post Præsidem vel Priorem, quo loco voluerit. Scholam ingredienti Baccalaurei assurgant. Disputantem Amplissimi Domini Rectoris nomine appellent. In Actibus & Paronympho cæteris emineat; post Præsidem & Conservatorem primas honoris habeat. Loqui verò nisi respondendo, disputan-

do, aut perorando, ipsi non liceat. Theses ipsi triduo ante Actum Baccalaurei responsuri offerant, ipsumque ad disputandum honorificè invitent. A sumptibus extraordinariis ipsum temperare jubemus, ne his duntaxat qui sumptibus hujusmodi pares sint, non qui meritis præstent, Magistratus Amplissimus deferatur; & ne in regularem observantiam peccandi detur occasio.



## CAPUT XII.

### *DE BACCALAVREORUM Nominationibus.*

**C**ANDIDATI diebus ante Pentecosten quindecim. Decano & singulis Magistris

supplicant , ac schedulas viri-  
tim porrigant , ut eis convenien-  
tem in Thomistica Facultate lo-  
cum assignent. Loca distribuant  
Magistri pro ratione meritorum,  
quæ in Collationibus Philoso-  
phicis primo Cursus anno ex-  
plorabunt , & ex Judicio Regen-  
tum ac Moderatorum Studii in  
duplici Examine metientur ; nec  
privatis studiis in Promotionibus  
indulgeant. Locorum ordo hic  
esto : Primus , secundus , tertius ,  
& quartus Præsentatus ; Primus  
& secundus Prior ; Magister Stu-  
dentum unus & alter pro Can-  
didatorum numero ; Primus ac  
cæteri Arguentes. Majoribus  
verò nostris placuit , ut postre-  
mus omnium Apparitoris vice  
fungatur.

Cum Philosophi certis diebus,  
pro more , aut ob causas extra-  
ordinarias immunitatem à Col-  
latione

latione Philosophica postulabunt, Primus Præsentatus, comitibus Collegis, Sapientissimos Magistros nostros hujus Collegii Priorem, Regentes, & Magistros Artium conveniet, brevique Oratione hanc à singulis gratiam rogabit.

Magister Studentum in disputando subtilis & acer nominetur, qui Aulicis præsit, & studiorum fervorem in ipsis Academicarum Exercitationum exordiis accendat. Candidati & Baccalaurei Latinè semper loquantur, tam in Scholis, quàm extra; suoque exemplo Dialecticos ad ejusdem idiomatis perpetuum usum urgeant & compellant. Magister Studentum invigilet ut Scholæ inferioris Novitii Latinè loqui assuescant, vernaculè loquentes moneat, & modestè amantér-

que corripiat. Si monitis ipsius nihil tribuant, nec emendentur, eorum nomina ad Decanum & Syndicum deferat, qui ipsos arguant. Nisi paruerint, ad postrema loca in Nominationibus anni sequentis detrudantur; & de illorum pertinacia certior interim fiat Conservator.

Hâc ( ut ita loquamur ) Hierarchyâ, Studiorum æmulatio fovebitur, Thomistica Facultas Artium efflorescet, Magistri regiminis honore, Baccalaurei gloriæ desiderio, Studentes infimæ Classis eorum exemplo, similiûmque spe præmiorum, ad studia diligenter, alacriter, indefessè colenda magis inflammabuntur. Honos enim alit artes, omnésque incenduntur ad Studia gloriâ. DATUM in Musæo nostro, Parisiis die XXI. Septembris an-

no reparatæ per Christum salu-  
tis MDCLXXXIII.

F. NATALIS ALEXANDRE  
Magister & Conservator.

ANT 1316430

